

續日本紀

十

冊一	第	
部一	部	國
		之
		部
二〇	冊	號

滋賀縣立膳所中學校

門	國
函	
段	
號	



續日本紀卷第十九

起天平勝宝五年正月盡八歲十二月

從四位下行民部八輔兼左兵衛督皇太子學士臣官野朝臣真道等奉勅撰

寶字稱德孝謙皇帝

辛未大陽宮

五年春正月癸卯朔廢朝ス天皇御中務南院

宴五位已上賜祿各有差ニ○丁未伊勢太神宮

神主外從五位下カシツカサノヲトナニ神主カクヌシ首名授外從五位上ヲシタ內

人物忌男四十五人フト廿十六人授位各有差ヲ

庚午從四位上平群朝臣廣成卒シタ○二月辛巳

所藏書
天
津
縣
印
齊
書
印

以從五位下小野朝臣田守為遣新羅大使○
辛卯正六位上小田臣枚床授外從五位下○
甲午齋宮大神司正七位下津嶋朝臣小松授
從五位下○三月庚午於東大寺設百高座講
仁王經是日飄風起說經不竟於是以前四月九
日講說飄風亦發○辛未大納言從二位兼神
祇伯造宮卿巨勢朝臣奈氏麻呂薨小治田
朝小德大海之孫淡海朝中納言大雲比登

之子也○夏四月丙戌詔曰頃者皇太后寢
膳不安稍延旬月雖醫藥療治而猶未平復以
為政治失宜罹罪有徒天遣此罰警戒朕身其
母子之慈貴賤皆同犯罪之徒豈獨無親庶悉
洗滌欲救憂苦宜大赦天下常赦所不免者咸
悉赦除但殺其父母毀佛尊像及強盜竊盜不
在此例若有入死域一等○癸巳以正五位下
大倭宿祢小東人為參河守從五位下阿倍朝

臣小嶋為駿河守從五位下大伴宿祢大養為
美濃守從五位下平群朝臣人足為越後守從
四位下巨勢朝臣堺麻呂為丹波守正四位下
安宿王為播磨守從五位下安曇宿祢大足為
安藝守從五位下石津王為紀伊守外從五位
下清原連淨道為筑後守○己亥從五位下葛
木連戶主投從五位上○五月庚戌无位藤原
王伊刀王並投從五位下○し丑渤海使輔國

大將軍慕施蒙等拜朝并貢信物奏備渤海王
言日本照臨聖天皇朝不賜使命已經十餘歲
是以遣慕施蒙等七十五人資國信物奉獻闕
庭○丁卯饗慕施蒙等於朝堂授位賜祿各有
差○六月丁丑慕施蒙等還國賜璽書曰天皇
敬問渤海國王朕以寡德屢奉寶圖亭毒黎民
照臨八極王僻居海外遠使入朝丹心至明深
可嘉尚但省來啓無稱臣名仍尋高麗舊記國

平之日上表文云族惟兄弟義則君臣或乞接
兵或賀踐祚修朝聘之恒式效忠款之懇誠故
先朝善其貞節待以殊恩榮命之隆日新無絕
想所知之何假一二言也由是先廸之後既賜
勅書何其今歲之朝重無上表以禮進退彼此
共同王熟思之季夏甚熱比無恙也使入今還
指宣往意并賜物如別陸奧國牡鹿郡人外正
六位下九子牛麻呂正七位上九子豐嶋等二

十四人賜牡鹿連姓○秋七月庚戌散位從四位下紀朝臣清人卒○戊午左京人正八位上石上部君男嶋等四十七人言己親父登與以去大寶元年賜上毛野坂本君姓而子孫等籍帳猶注石上部君於理不安望請隨父姓欲改正之許焉○八月癸巳陸奧國人大初位下九子嶋足賜牡鹿連姓○九月戊戌朔无位板持連真鈎獻錢百方授外從五位下○壬寅攝津

國御律村南風大吹潮水暴溢壞損廬舍一百
十餘區漂沒百姓五百六十餘人並加賑恤仍
追海濱居民遷置於京中空地○乙丑從四位
上石川朝臣年足授從三位為太宰帥從四位
上紀朝臣飯麻呂為太貳○冬十月壬申散位
從四位下紀朝臣字美卒○甲戌中務卿從三
位栗栖王薨二品長親王之子也○十一月己
亥尾張國獻白龜○十二月丁丑免攝津國遭

潮諸郡今年田租○己卯西海道諸國秋稼多
損免今年田租○呂五甲並才於申申不亦風
六年春正月丁酉朔上野國獻白鳥宴五位已
上於內裏賜祿有差○辛丑行幸東大寺燃燈
二萬勅曰初元啓曆獻歲登春天地行仁動
植霑惠古昔明主應此良辰必布時和廣施慈
令朕雖薄德何不由茲可大赦天下其八虜故
殺人私鑄錢強盜竊盜常赦所不原者不在赦

例但入死者皆減一等。○癸卯。天皇御東院
宴五位已上。有勅召正五位下多治比真人
家主從五位下大伴宿禰麻呂二人於御前特
賜四位當色。令在四位之列。即授從四位下。
壬子。天皇御大安殿。詔授從四位上藤原
朝臣永手從三位從四位下池田王從四位上
橘朝臣奈良麻呂正四位下從四位下石川朝
臣麻呂藤原朝臣八束並從四位上正五位上

藤原朝臣巨勢麻呂從四位下從五位上高直
連河內正五位下從五位下多治比真人續養
小治田朝臣諸人波多朝臣足人大藏忌寸廣
足土師宿禰牛勝上毛野君難波並從五位上
正六位上佐伯宿禰大成小野朝臣竹良石川
朝臣豐成粟田朝臣入成藤原朝臣武良士後
部王吉並從五位下正六位上林連久麻物部
山背中臣酒人宿禰虫麻呂高福子日置造真

卯黃文連水分大藏忌寸麻呂並外從五位下。
入唐副使從四位上大伴宿祢古麻呂來歸唐
僧鑒真法進等八人隨而歸朝。○癸丑太宰府
奏入唐副使從四位上吉備朝臣真備船以去
年十二月七日來著益父嶋自是之後自益父
嶋進發漂蕩著紀伊國牟漏埼。○丙寅副使大
伴宿祢古麻呂自唐國至古麻呂奏曰大唐太
寶十二載歲在癸己正月朔癸卯百官諸蕃朝

賀天子於蓬萊宮含元殿受朝是日以我次西
畔第二吐蕃下以新羅使次東畔第一大食國
上古麻呂論曰自古至今新羅之朝貢日本國
久矣而今列東畔上我反在其下義不合得時
將軍吳懷實見知古麻呂不肯色即引新羅使
次西畔第二吐蕃下以日本使次東畔第一大
食國上。○二月己卯平六位上百濟王理伯授
從五位下。○丙戌敕太宰府去天平七年故

大貳從四位上小野朝臣老遣高橋連牛養於
南嶋樹牌而其牌經年今既朽壞且依舊修樹
每牌顯著嶋名并泊船處有水処及去就國行
程遙見嶋名令漂著之船知所歸向○三月丙
午遣使奉唐國信物於山科陵○癸丑太宰府
言遣使尋訪入唐第十船其消息云第十船舉
帆指奄美嶋去未知著處○夏四月庚午以從
五位上中臣朝臣清麻呂為神祇大副從五位

下秋篠王粟田朝臣人成並為少納言從四位
上大伴宿祢古麻呂為左太弁從五位下石川
朝臣豐成為右少弁外從五位下日置造真卯
為紫微中臺少忠從五位下當麻真人子老為
雅樂頭從五位上石川朝臣名人為民部大輔
從五位下石川朝臣豐人為主稅頭從五位上
大伴宿祢家持為兵部少輔從四位上紀朝臣
飯麻呂為大藏卿正五位下中臣朝臣益人為

續日本紀卷十九
造宮少輔從五位下藤原朝臣武良志為左京亮外從五位下文忌寸上麻呂為右京亮從三位文室真人珍努為攝津大夫從五位下百濟王理伯為亮從五位下多治比真人土作為尾張守正五位下大伴宿祢稻君為上總守從四位上吉備朝臣真備為太宰大貳從五位下小野朝臣田守為少貳外從五位下黃文連水分為肥前守○壬申入唐廻使從四位上大伴宿

祢古麻呂吉備朝臣真備並授正四位下判官正六位上大伴宿祢御笠巨萬朝臣大山並從五位下自餘使下二百二十二人亦各有差○癸未太宰府言入唐第四船判官正六位上布勢朝臣人主等來泊薩摩國石籬浦○五月己酉從五位下石川朝臣豐人為越中守○六月乙丑朔正五位下中臣朝臣益人為神祇大副○秋七月丙午詔曰頃者大皇太后枕席不

安稍延旬月百方救療猶未平復感愴之懷良
深岡極朕聞皇天輔德今勝不祥庶施慈令奉
資寶體欲使寢膳如常起居穩便可大赦天下
但八虐故殺人鑄錢強盜竊盜常赦所不免者
不在赦限此日度僧一百人尼七人○丙午授
入唐判官正六位上布勢朝臣人主從五位下
以從五位上中臣朝臣清麻呂為左中弁從五
位下阿倍朝臣小嶋為式部少輔外從五位下

壬生使主宇陀麻呂為玄蕃頭從五位下大伴
宿祢御依為主稅頭從五位下紀朝臣伊保為
大炊頭從五位下忌部宿祢鳥麻呂為典藥頭
從五位下布勢朝臣人主為駿河守從五位下
阿倍朝臣細麻呂為出雲守從五位下小野朝
臣東人為備前守從五位上波多朝臣足人為
備後守○壬子太皇太后崩於中宮○癸丑
以正一位橘朝臣諸兄從三位文室真人珍努

紀朝臣麻路從四位下安宿王從五位下厚見
王從四位下多治比真人國人從五位下多治
比真人木人紀朝臣男楮阿倍朝臣毛人石川
朝臣豐成外從五位下文忌寸上麻呂為御裝
束司六位已下十二人從二位藤原朝臣豐成
從三位多治比真人廣足藤原朝臣永手從四
位上池田王正四位下大伴宿祢古麻呂從四
位上文室真人大市正五位上佐伯宿祢今毛

人從五位上縣大養宿祢古麻呂紀朝臣廣名
栗田朝臣人成為造山司六位已下二十一人
○八月丁卯正四位下安宿王卒誅人奉誅謚
曰千尋葛藤高知天宮姬之尊是日火葬於佐
保山陵○九月丙申以正四位下安宿王為兼
内匠頭從四位上文室真人大市為大藏卿從
四位上紀朝臣飯麻呂為右京大夫從四位上
石川朝臣麻呂為武藏守從五位下佐伯宿祢

大成為丹後守外從五位下中臣丸連張弓為
因幡守○丁未勅如聞諸國司等貪求利潤
輸租不實舉稅多欺由是百姓漸勞正倉頗空
且令京及諸國田租不論得木悉皆全輸正稅
之利舉十取三但田不熟至免調庸限者准令
處分又覽去天平七年格國司等所部交關運
物無限者禁斷既訖然猶不肯兼行貪濁成俗
朕之股肱豈合如此自今以後更有違犯依法

科罪不須矜宥○冬十月乙亥勅官人百姓
不畏憲法私聚徒衆任意雙六至於滯迷子無
順父終亡家業亦虧孝道因斯遍仰京畿七道
諸國固令禁斷其六位已下無論男女決杖一
百不須蔭贖但五位者即解見任及奪位祿位
田四位已上停給封戶職國郡司阿容不禁亦
皆解任若有糾告二十人已上者无位叙位三
階有位賜緇十足布十端○巳卯仰畿內七道

諸國令置射田○閏十月庚戌從五位下秋篠
王男繼成王姪濱名王船城王愛智王五人賜
丘基真人姓外從五位上額田部湯坐連息長
授從五位下○辛亥令太宰府鎮祭管内諸國
山岡崩壞之處○十一月辛酉朔任巡察使以
從四位上池王為畿內使從五位下紀朝臣小
楮為東海道使從五位下石川朝臣豐成為東
山道使從五位下藤原朝臣武良志為北陸道

使從五位上大伴宿祢家持為山陰道使從五
位下阿倍朝臣毛人為山陽道使從五位下多
治比真人木人為南海道使從四位上紀朝臣
飯麻呂為西海道使道別錄事一人○戊辰
勅朕以至欵奉為二尊御體平安寶壽增長一
七之間屈四十九僧歸依藥師琉璃光佛恭敬
供養其經云懸續命幡燃四十九燈應放雜類
衆生竊以放生之中莫若救人宜依茲教可大

赦天下。但犯八虐故殺人鑄錢強盜竊盜及常赦所不免者不在赦限。若入死罪並減一等。○辛未大唐學問生无位船連夫子授外從五位下。辭而不受以出家故也。○甲申藥師寺僧行信與八幡神官主神大神多麻呂等同意厭魅下所司推勘罪合遠流。於是遣中納言多治比真人廣足就藥師寺宣詔以行信配下野藥師寺。○丁亥從四位下大神朝臣社女外從五位下

大神朝臣多麻呂並除名從本姓社女配於日向國多麻呂於多禰嶋因更擇他人補神宮祿宜祝其封戶位田并雜物一事已上令太宰檢知焉。○十二月乙卯左大舍人无位多米王賜高額真人。姓是年八月風水畿内及諸國一十百姓產業損傷並加賑恤。○甲子七年春正月辛酉朔廢朝以諒闇故也。○甲子勅為有所思宜改天平勝寶七年為天平勝寶

七歲從七位上山田史廣人從五位上比賣嶋
女等七人賜山田御井宿祢姓○甲戌外正六
位上九子大國贈從五位下外正六位下六人
部藥授外從五位下○三月庚申朔外從五位
下山田史君足賜廣野連姓○丁亥八幡大神
詔宜曰神吾不願矯託神命請取封一千四百
戶田一百三十町徒无所用如捨山野宜奉返
朝廷唯留常神田耳依神宣行之○夏四月丁

未從五位下丘基真人秋篠等二十一人更賜
豐國真人姓○五月丁丑大隅國菱刈村浪瀧
九百三十餘人言欲建郡家許之○六月癸卯
安藝國獻白鳥○壬子太宰府管内諸國國別
貢兵衛一人采女一人和氣王細川王賜罔真
人姓○八月庚子正六位上日下部宿祢子麻
呂食朝臣息人並授從五位下○十月丙午
勅曰比日之間太上天皇枕席不安寢膳非

續日本紀卷十九
十五
宜朕竊念茲情深惻隱其救病之方唯在施惠
延命之要莫若濟苦宜大赦天下其犯八虐故
殺人鑄錢強盜竊盜常赦所不免者不在赦例
但入死罪者減一等鰥寡惻獨貧窮老疾不能
自存者量加賑恤兼給湯藥又始自今日至來
十二月晦日禁斷殺生遣使於山科大內東西
安占真弓奈保山東西等山陟及太政大臣墓
奉幣以祈請焉○十一月丁巳遣少納言從五

位末厚見玉奉幣帛于伊勢大神宮○十二月
丁未以從五位下佐伯宿祢美濃麻呂為越前
守上天皇聖體不轉麻呂回日獻未平於
八歲春二月丙戌左大臣正一位橘朝臣諸兄
致任內勅依請許之○戊申行幸難波是日
至河內國御智識寺南行宮○己酉天皇幸
智識山下大里三宅家原烏坂等七寺禮佛○
庚戌遣內舍人於六寺誦經襯施有差○壬子

大兩賜河內國諸社祝祢宜等一百十八人正
稅各有差是日行至難波宮御東南新宮○三
月甲寅朔太上天皇幸堀江上○乙卯詔
免河內攝津二國田租○戊午遣使攝津國諸
寺誦經觀施有差○夏四月丁酉勅曰頃者
太上天皇聖體不豫漸延旬日猶未平復如聞
銷災致福莫如仁風救病延年實資德政可大
赦天下但犯八虐故殺人鑄錢強盜竊盜常赦

所不免者不在赦例若以賦入死減一等鰥寡
惇獨貧窮老疾不能自存者量加賑恤○戊辰
車駕取澁河路還至智識寺行宮○庚子還宮
○乙巳遣使奉幣帛于伊勢太神宮○壬子遣
醫師禪師官人各一人於左右京四畿內救療
痲疾徒遣從五位下日下部宿祢古麻呂奉幣
帛于八幡大神宮○五月乙卯遣左大弁正四
位下大伴宿祢古麻呂并中臣忌部等奉幣帛

於伊勢太神宮免天下諸國今年田租。是日
太上天皇崩於寢殿。遺詔以中務卿從四位
上道祖王為皇太子。○丙辰遣使固守三關。以
從二位藤原朝臣豐成從三位文室真人珍努
藤原朝臣永手正四位下安宿王從四位上黃
文王正四位下橘朝臣奈良麻呂從四位下多
治比真人國人從五位下石川朝臣豐成為御
裝束司六位已下十人從三位多治比真人廣

足百濟王敬福正四位下鹽燒王從四位下山
背王正四位下大伴宿祢古麻呂從四位上高
麗朝臣福信正五位上佐伯宿祢今毛人從五
位下小野朝臣田守大伴宿祢伯麻呂為山作
司六位已下二十人外從五位下大藏忌寸麻
呂為造方相司六位已下二人從五位下佐味
朝臣廣麻呂佐々貴山君親人為養役夫司六
位已下六人。○丁巳於七太寺誦經焉。○巳未

續日本紀卷十九
文武百官始素服於內院南門外朝夕舉哀正
四位上春日女主薨○辛酉太上天皇初七
於七大寺誦經焉○癸亥出雲國守從四位上
大伴宿祢古慈斐內豎淡海真人三船坐誹謗
朝廷死人臣之礼禁於左右衛士府○丙寅
詔並放免戊辰二七於七大寺誦經焉○壬申
奉葬太上天皇於佐保山陵御葬之儀如奉
佛供具有師子座香○天子座金輪幢太小寶

幢香幢花縵蓋繖之類在路令笛人奏行道之
曲是日勅曰太上天皇出家歸佛更不奉
謚所司製○乙亥三七於左右京諸寺誦經焉
勅曰左衛士督從四位下坂上忌寸大養右兵
衛卒從五位上鴨朝臣虫麻呂久侍禁掖深兼
恩渥悲情難抑伏乞奉陵朕嘉乃誠仍許所請
先代寵臣未見如此也宜表褒賞以勸事君大
養叙正四位上虫麻呂從四位下其所從授刀

舍人二十人增位四等。○丙子。勅禪師法榮
立性潔持戒第一甚能看病由此請於邊地令
待醫藥。太上天皇得驗多數信重過人不用
他醫爾其閱水難留鸞輿晏駕禪師即誓永絕
人間待於山陵轉讀大乘奉資冥路朕依所請
敬思報德厭俗歸真財物何富出家慕道冠蓋
何榮莫若名流万代以為後生准則宜復禪師
所生一郡遠年勿役。○丁丑。勅奉為先帝

陛下屈請看病禪師一百二十六人者宜免當
戶課役但良弁慈訓安寬三法師者並及父母
兩戶然其限者終僧身又和上鑒真小僧都良
弁華嚴講師慈訓大唐僧法進法華寺鎮慶俊
或學業優富或戒律清淨堪聖代之鎮護為去
徒之領袖加以良弁慈訓二大德者當于先
帝不豫之日自盡心力勞動晝夜欲報之德朕
懷困極宜和上小僧都拜大僧都華嚴講師拜

小僧都法進慶俊並任律師○六月乙酉勅遣使於七道諸國催檢所造國分丈六佛像○丙戌五七於大安寺設齋焉僧沙弥合一千餘人○庚寅詔曰居喪之礼臣子猶一天下之民誰不行孝宜告天下諸國自今日始迄來年五月三十日禁斷殺生○辛卯太政官處分太上天皇供御米鹽之類宜充唐和上監真禪師法榮二人永令供養焉○壬辰詔曰頃者

分遣使工檢催諸國佛像宜來年忌日必令造了其佛殿兼使造備如有佛像并殿已造畢者亦造塔令會忌日夫佛法者以慈為先不須因此辛苦百姓國司并使工等若有稱朕意者特加褒賞○丙申六七於藥師寺設齋焉○癸卯七々於興福寺設齋焉僧并沙弥一千一百餘人○甲辰始築怡土城令太宰太貳吉備朝臣真備專當其事焉勅明年國忌御齋應設東

續日本外紀卷十九
○二十一
大寺其大佛殿步廊者宜令六道諸國營造必
會忌日不可怠緩○秋七月己巳有勅授刀舍
人考選賜祿名籍者悉屬中衛府其人數以四
百為限闕即簡補但名授刀舍人勿為中衛舍
人其中衛舍人亦以四百為限○庚午河內國
石川郡人漢人廣橋漢人乃自買等十三人賜
山背忌寸姓○癸酉土左國道原等僧專住誹
謗僧網无所狗忌配伊豆嶋○八月乙酉以近

江國朝書法一百卷施入崇福寺○冬十月辛
巳朔日有蝕之○丁亥太政官處分山陽南海
諸國春米自今以後取海路漕送若有漂損依
天平八年五月符以五分論三分徵網二分徵
運夫但美作紀伊二國不在此限○丙申有白
氣貫日○癸卯大納言藤原朝臣仲麻呂獻東
大寺米一千斛雜菜一千○十一月丁巳勅
如聞出納官物諸司人等苟貪前分巧作逗留

稍延旬日不肯收納。由此擔脚辛苦競為逃歸。非直敗治實亦虧化。宜令彈正臺巡檢自今以後勿使更然。○丁卯廢新嘗會以諒闇故也。神檢

祇官記是年於神祇官曹司行新嘗之事矣

○十二月庚辰朔自去

月雷六日○甲寅申請僧一百於東大寺轉讀仁王經焉。○乙未先是有恩勅收集京中孤兒而給衣糧養之。至是男九人女一人成人。因賜葛木連姓編附紫微少忠從五位上葛木連

戶主之戶以成親子之道矣。○己亥越後丹波丹後但馬因幡伯耆出雲石見美作備前備中備後安藝周防長門紀伊阿波讚岐伊豫土左築後肥前肥後豐後日向等二十六國國別頒下灌頂幡一具道場幡四十九首。緋網二條以充周忌御齋莊飭用了。收置金光明寺永為寺物隨事出用之。○庚子從太上天皇御輿丁一人叙四階一人二階五十七人外二階一百二

十六人外一階。○巳酉。勅遣皇太子及右太子從四位下巨勢朝臣堺麻呂於東大寺右太山背王於太安寺大納言從二位藤原朝臣仲麻呂中衛少將正五位上佐伯宿祢毛人於外嶋坊中納言從三位紀朝臣麻路少納言從五位上石川朝臣名人於藥師寺太宰帥從三位石川朝臣年足彈正尹從四位上池田王於元

興寺讚岐守正四位下安宿王左太子正四位下大伴宿祢古麻呂於山階寺講梵網經講師六十二人其詞曰

皇帝敬白朕自遭閔凶情深荼毒宮車漸遠號慕無追方痛纏心千哀貫骨恒思報德日夜無停聞道有菩薩戒本梵網經功德魏人能資逝者仍寫六十二部將說六十二國始自四月十五日令終于五月二日是以差使敬遣請屈願衆

大德勿辞攝愛欲使收此妙福无上威力翼冥
路之鸞輿向華藏之寶刹臨紙哀塞書不多云
開道有善勤遊本禁臨臨心新蘇六韻賞服昔
慕無事文麻點山十身貴賞即思難難日身無難
續日本紀卷第十九
六十一人其隨日位相朝臣麻路少納言從五
正大判部祿古祿呂太山留寺齋禁臨臨齋和
興寺齋苑寺五十四立不安部王本太食五十四立

續日本紀卷第二十

起天平寶字元年正月盡二年七月

從四位下行民部大輔兼左兵衛督皇太子學士臣菅野朝臣真道等奉勅撰

寶字稱德孝謙皇帝

天平寶字元年春正月庚戌朔廢朝以諒闇故
也勅度八百人出家○甲寅勅始自來四
月十五日至五月二日每國令講梵網經其今
年安居者宜以五月三日為始又詔曰比者郡
領軍毅任用白丁由此民習居家求官未識任

君得祿移孝之忠漸衰勸人之道實難自今已
後宜令所司除有位人以不得入簡試例其軍
毅者選有六衛府中器量辨了身才勇健者擬
任之他色之徒勿使濫訪自餘諸事猶如格令
乙卯前左大臣正一位橘朝臣諸兄薨遣從
四位上紀朝臣餘麻呂從五位下石川朝臣豐
人等監護葬事所須官給大臣贈從二位栗隈
王之孫從四位下美努王之子也○戊午從五

位下石津王賜姓藤原朝臣為大納言從二位
麻呂之子○三月戊辰 天皇寢殿兼塵之裏
天下太平四字自生焉○庚午 勅召親王及
群臣令見瑞字○乙亥 勅自今以後改藤原
部姓為久須波良部君子部為吉美侯部○丁
丑 皇太子道祖王身居諒闇志在滯縱雖加
教 勅曾无改悔於是 勅召群臣以示 先
帝遺 詔因問廢不之事右大臣已下同奏云

不敢乖違顧命之旨。是日廢皇太子，以王歸第。
夏四月辛巳，天皇召群臣，問曰：「當立誰王？」
以為皇嗣。右大臣藤原朝臣豐成、中務卿藤
原朝臣永手等言曰：「道祖王兄鹽燒王可立也。」
攝津大夫文室真人玠努、左大弁大伴宿祢古
麻呂等言曰：「池田王可立也。」太納言藤原朝臣
仲麻呂言曰：「知臣者莫若君，知子者莫若父。唯
奉天意所擇者耳。」勅曰：「宗室中舍人新田部

兩親王是尤長也。因慈前者立道祖王而不順
勅教，遂縱滯志。然則可擇舍人親王子中。然船
王者，閨房不修，池田王者，孝行有關。鹽燒王者，
太上天皇責以無禮。唯大炊王雖未長壯，不聞
過惡，欲立此王於諸卿意如何。於是右大臣已
下奏曰：「唯勅命是聽。」先是太納言仲麻呂招
大炊王居於田村第。是日遣內舍人藤原朝臣
薩雄、中衛二十人迎大炊王立為皇太子。

勅曰國以君為主以儲為固是以先帝遺詔
立道祖王昇為皇太子而王諒闇未終陵草
未乾私通侍童無恭先帝居喪之禮曾不合
憂機密之事皆漏民間雖屢教勅猶無悔情
好用婦言稍多浪戾忽出春宮夜獨歸舍云臣
為人拙愚不堪兼重故朕竊計廢此立大炊王
躬自乞三寶禱神明政之善惡願亦徵驗於是
三月二十日戊辰朕之住屋兼塵帳裏現天下

太平之字灼然昭著斯乃上天所祐神明所標
遠覽上古歷檢往事書籍所未載前代所未聞
方知佛法僧寶先記國家太平天地諸神預示
宗社永固載此休符誠躍其不孝之子慈父難
務無礼之臣聖主猶弃宜從天發却還本色亦
由王公等盡忠匡弼感此貴瑞豈朕一人所應
能致宜與王公士庶共奉天貺以答上去洗滌
舊瑕遍蒙新福可大赦天下其自天平勝寶九

歲四月四日，昧爽已前，大辟罪已下，罪無輕重已發覺，未發覺已結正，未結正繫囚見徒，咸悉赦除。但犯八虐，故殺人，私鑄錢，強盜竊盜者，不在此例。其天下百姓成童之歲，則入輕徭。既冠之年，便當正役。愍其勞苦，用軼于懷。昔者先帝亦有此猶，未施行。自今已後，宜以十八為中男，二十二已上，成正丁。古者治民安國，必以孝理。百行之本，莫先於茲。宜令天下家藏孝經一

本，精勤誦習，倍加發。百姓間有孝行，通人鄉閭，欽仰者，宜令所由長官具以名薦。其有不孝，不恭，不友，不順者，宜配陸奧國，挑生，出羽國小勝，以清風俗。亦捍邊防。別有高卧，穎川，遁跡，美山者，宜為朕代之。巢許，以禮巡問。於令養性，其僧綱及京內僧尼，復位已上，施物有差，內供奉，豎子，授力舍人及預周忌，御齋，種々作物而奉造。諸司男女等，夙夜不怠，各竭力誠。宜令加位二

級并賜綿帛仕官踈綬並咸一等自餘內外諸
司主典已上及天下高年八十已上中衛兵衛
舍人門部主帥雜士并衛士仕丁歷仕三十年
已上加位一級但正六位上以上及不仕者不
在此例其在京文武官職事正六位上已上及
月齋社祝等賜物有差天下鰥寡孤獨篤疾癡
疾不能自存者量加賑恤其高麗百濟新羅人
等又慕聖化來附我俗志願給姓悉聽許之其

內籍記无姓及族字於理不穩宜為改正又身
大寺匠丁造山陵司役夫及左右京四畿內伊
賀尾張近江丹波丹後但馬播磨美作備前紀
伊等國兵士并防人鎮兵衛士火頭仕丁鼓吹
戶人輸車戶頭並免今年田租百官詣朝堂上
表以賀瑞字○五月己酉太上天皇周忌也
請僧千五百人餘於東大寺設齋焉○辛亥
天皇移御田村宮為改修大宮也○乙卯勅

續日本紀卷三十一
日頃者上下諸使惣附驛家於理不穩亦苦驛
子自今已後宜為依令其能登安房和泉等國
依舊分立但馬肥前加介一人出雲讚岐加目
一人○丁卯以大納言從二位藤原朝臣仲麻
呂為紫微內相從三位藤原朝臣永手為中納
言詔曰朕覽周禮將相殊道政有文武理宜
然是以新令之外則亦置紫微內相一人令掌
內外諸兵事其官位祿賜職分雜物者皆准大

臣又勅曰頃年選人依格結階人々位高不
便任官自今以後宜依新令去養老年中朕外
祖故太政大臣奉勅削脩律令宜告所司早
使施行授從二位藤原朝臣豐成正一位正四
位下鹽燒王從四位上池田王並正四位上從
四位上諱從四位上船王並正四位下從四位
下山背王從四位上從五位上久勢王正五位
下從五位下厚見王山村王並從五位上亮位

船井王掃守王尾張王奈賀王並從五位下從
四位上文室真人大市阿倍朝臣沙弥麻呂高
麗朝臣福信並正四位下從四位下巨勢朝臣
堺麻呂從四位上正五位上佐伯サキキ宿祢毛人佐
伯宿祢今毛人正五位下佐味朝臣虫麻呂並
從四位下正五位下大伴宿祢稻公大倭宿祢
小東人賀茂朝臣角足並正五位上從五位上
藤原千尋百濟王元忠阿倍朝臣嶋麻呂栗田

朝臣奈勢麻呂大伴宿祢大養中臣朝臣清原
呂石川朝臣名人勤臣東人葛木宿祢戶主並
正五位下從五位下日下部宿祢子麻呂下毛
野朝臣稻麻呂縣大養宿祢小山守小野朝臣
東人多治比真人主作藤原朝臣宿奈麻呂藤
原朝臣兼名石上朝臣宅嗣大倭忌寸東百濟
朝臣足人播美朝臣奧人並從五位上外從五
位下葛井連諸會日置造真卯中臣丸連張弓

上毛野君廣濱廣野連君足正六位上忌部宿
祢些麻呂三國真人百足多治比真人犬養紀
朝臣僧麻呂大宅朝臣人成中臣朝臣麻呂高
橋朝臣子老阿倍朝臣御縣獲井朝臣小祖父
賀茂朝臣鹽管大原真人今木巨勢朝臣度守
石川朝臣君成田口朝臣御直賀茂朝臣淨名
藤原朝臣執弓池田朝臣足繼田中朝臣多太
麻呂大伴トモノ宿祢不破麻呂石川朝臣人公无位

文室真人波多麻呂並從五位下正六位上
朝臣三田次川原連九益田繩手大藏忌寸家
主土師宿祢犬養土師宿祢第勝河内畫師祖
父麻呂白鳥村主頭麻呂上毛野君真人並外
從五位下六月乙酉制勅五條諸氏長等
或不預公事恣集已族自今以後不得更然
王臣馬數依格有限過此以外不得蓄馬
令隨身之兵各有儲法過此以外亦不得蓄

續日本紀卷二十
除武官以外不得京裏持兵前已禁斷然猶不
正ヤ宜告所司固加禁斷四其京裏二十騎已上不
得集行五其宜告所司嚴加禁斷若有犯者科違ヲホセ
勅罪○壬辰以從三位石川朝臣年足為神祇
伯正四位下橘朝臣奈良麻呂為左大弁正五
位下粟田朝臣奈勢麻呂為兼左中弁越前守
如故正五位上大倭宿祢小東人為紫微大忠
從五位下田口朝臣御直為大監物從三位下

屋真人智努為治部卿從五位下大原真人舍
城為少輔從五位上藤原朝臣宿奈麻呂為民
部少輔從五位下石川朝臣君成為主稅頭從
三位石川朝臣年足為兵部卿神祇伯如故從
五位上大伴宿祢家持為大輔從五位下藤原
朝臣繩麻呂為少輔正四位上池田王為刑部
卿從五位下大伴宿祢御笠為大判事正四位
上鹽燒王為大藏卿從五位下藤原朝臣濱足

續日本紀卷二十
為少輔。從五位下巨勢朝臣淨成。為宮內少輔。從五位下多治比真人犬養。為大膳亮。正四位下文室真人大市。為彈正尹。從四位上紀朝臣飯麻呂。為右京大夫。從五位下田中朝臣多太麻呂。為中衛負外少將。從五位下大伴宿祢不破麻呂。為衛門佐。從五位下池田朝臣足繼。為左衛士佐。從五位上目下部宿祢麻呂。為左兵衛督。從五位下石川朝臣人公。為右兵衛督。

五位下下毛野朝臣多治比。為右馬頭。從五位下大宅朝臣人成。為左兵庫頭。左大弁正四位下大伴宿祢古麻呂。為兼陸奥鎮守將軍。陸奥守從五位上佐伯宿祢全成。為兼副將軍。從四位下多治比真人國人。為攝津大夫。從五位上文思寸馬養。為鑄錢長官。從五位下大伴宿祢御依。為參川守。正五位上賀茂朝臣角足。為遠江守。從五位上石上朝臣宅嗣。為相摸守。紫微。

續日本紀卷之五
少弼從四位上巨勢朝臣堺麻呂為兼下總守
正四位下大伴宿祢古麻呂為陸奧按察使從
四位上山背王為但馬守從五位下藤原朝臣
武良志為伯耆守從三位百濟王敬福為出雲
守從三位藤原朝臣乙麻呂為美作守從五位
下調連馬養為備前守從五位下棟本朝臣市
守為安藝守正五位下阿倍朝臣嶋麻呂為伊
豫守從五位下榎井朝臣子祖父為豐後守

癸巳以兵部少輔從五位下藤原朝臣繩麻呂
為兼侍從○乙未始制伊勢太神宮幣帛使自
今以後差中臣朝臣不得用他姓人○甲辰先
是去勝寶七歲冬十一月其太上天皇不豫時
左大臣橘朝臣諸兄祇兼人佐味官守告云大
臣飲酒之庭言辭无礼稍有反狀云云太上天
皇優容不咎大臣知之後歲致仕既而勅
召越前守從五位下佐伯宿祢美濃麻呂問識

此語耶美濃麻呂言曰臣未曾聞但慮佐伯全
成應知於是將勘問全成太后慙歎固請由是
事遂寢焉語具田村記至是從四位上山背王
後告橘奈良麻呂備兵器謀圍田村宮正四位
下大伴宿祢古麻呂亦知其情○秋七月戊申
詔曰今宣久頃者王等臣等乃中令無礼及逆
在流人母止在而計奈良大宮乎將圍止云而私
兵備止布聞着而加遍須加遍須所念母誰奴加

朕朝乎背而然為流人乃一人母將在止所念
波隨法不治賜雖然一事乎數人重奏賜波倍可
問賜物波尔夜將在止所念母茲政者行尔布安為
此事者天下難事尔在者狂迷流頑奴心
波茲悟志正賜倍物在止所念看母波奈如此宣
布此狀悟而人乃見可事和射奈世如此宣
大命尔不從將在人波朕一人極而慈賜止母國
法不得已成奈己家々已門々祖名不失勤仕

奉止礼宣止天皇大命乎衆聞食止宣不詔畢更

召入右大臣以下群臣皇太后詔曰汝多知諸

者吾近姪利奈又豎子卿等者天皇大命以汝

多知手知召而屢詔朕後尔太后尔能仕奉利

助奉礼詔伎又大伴佐伯宿祢等波自遠

天皇御世内乃兵止為而仕奉來又大伴宿祢

等波吾族尔在諸同心尔為而皇朝乎助仕奉

時尔如是醜事者聞自汝乃不能尔依尔

如是在良諸以明清心皇朝乎助仕奉止礼宣

是日夕中衛舍人從八位上上道臣斐太都告

内相云今日未時備前國前守小野東人喚斐

太都謂云有王臣謀殺皇子及内相汝能從乎

斐太都問云王臣者為誰等耶東人答云黃文

王安宿王橘奈良麻呂大伴古麻呂等徒衆甚

多斐太都又問云衆所謀者將若為耶東人答

云所謀有二一者駈卒精兵四百將圍田村宮

二者陸奧將軍大伴古麻呂今向仕所行至美濃關詐稱病請欲相見一二親情蒙常聽許仍即塞關裴大都良久谷云不敢違命先是去六月右大弁巨勢朝臣堺麻呂密奏為問藥方詣谷本忠節宅忠節曰語云大伴古麻呂告小野東人云有人欲劫內相汝從乎東人答云從矣忠節聞斯語以告右大臣大臣答云大納言年少也吾加教誨宜莫殺之是日內相藤原朝臣

仲麻呂具奏其狀警衛內外諸門乃遣高麗朝臣福信等卒兵追捕小野東人谷本忠節等並皆捉獲禁著左衛士府又遣兵圍道祖王於右京宅○巳酉初右大臣藤原朝臣豐成中納言藤原朝臣永手等八人就左衛士府勸問東人等東人確導無之即日夕內相仲麻呂侍御在所召鹽燒王安宿王黃文王橘奈良麻呂大伴古麻呂五人傳太后詔宣曰鹽燒等五人乎

人告謀反。汝等為吾近人。一毛吾乎。可忍事者。不所念汝等乎。安皇朝者。太及高。治賜。何乎。怨志所非志然將為不有奈母所念是以汝等罪者。免賜。今往。前然莫為。宣。詔。訖。五人退出南門外。誓首謝恩。庚戌。詔更遣中納言藤原朝臣永手等。窮問東人等。欵云。每事實也。無異。斐太都語去。六月中。期會謀事。三度始於齋良麻呂家。次於圖書藏邊庭後。於太政官

院。庭其衆者。安宿王。黃文。王橘。奈良麻呂。大伴古府呂。多治比。犢養。多治比。礼麻呂。大伴池主。多治比。鷹主。大伴。兄人。自餘衆者。闕莫不見其面。庭中。礼拜。天地四方。共飲鹽汁。誓曰。將以七月二日。闇頭發。兵圍內相宅。殺劫。即圍大殿。退皇太子。次頌皇太后宮。而取鈴璽。即召右大臣。將使号令。然後廢帝。南四上。中立。以為君。於是追被告入等。隨來。悉禁著。各置別處。十一日。勘問。

始問安宿歎云去六月二十九日黃昏黃文來
云奈良麻呂欲得語信云尔安宿即從往至太
政省院內先有二十許人一人迎來禮備近著
看顏是奈良麻呂也又有素服者一人熟看此
小野東人也登時衆人共云時既應過宜須立
拜安宿問云未知何拜耶答云拜天地而已云
尔安宿雖不知情隨人立拜被欺往耳又問黃
文奈良麻呂古麻呂多治比犢養等辭雖頗異

略皆大同 勅使又問奈良麻呂云逆謀緣何
而起歎云內相行政甚多無道故先發兵請得
其人後將陳狀又問政稱無道謂何等事歎云
造東大寺人民苦辛氏々人等亦是為憂又置
剗奈羅為己大憂問所稱氏々指何等氏又造
寺元起自汝父時今導人憂其言不似於是奈
良麻呂辭屈而服又問佐伯古比奈歎云賀茂
角足請高麗福信奈貴王城上薊田麻呂巨勢

苗磨牡鹿嶋足於額田部宅飲酒其意者為令
 此等人莫會發逆之期也又角足與逆賊謀造
 田村宮圖指投入道於是一皆下獄又分遣諸
 衛掩捕逆黨更遣出雲守從三位百濟王敬福
 太宰帥正四位下船王等五人卒諸衛人等防衛
 獄囚拷掠窮問黃文改名多道祖改名麻大伴
 古麻呂多治比犢養小野東人賀茂角足改姓
 等並杖下死安宿王及妻子配流佐度信濃志

國守佐伯大成丰左國守大伴古慈斐二人並
 便流任國其與黨人等或死獄中自外悉依法
 配流又遣使追召遠江守多治比國人劫問所
 款亦同配流於伊豆國又勅陸奥國令勘問
 守佐伯全成款云去天平十七年先帝陛下
 行幸難波寢膳乖宜于時奈良麻呂謂全成曰
 陛下枕席不安殆至大漸然猶無立皇嗣恐
 有變乎願卒多治比國人多治比犢養小野東人

立黃文而為君以益百姓之望。大伴佐伯之族
此舉前將無敵。方今天下憂苦居宅無定。乘路
哭叫怨歎實多。緣是議謀事可必成。相隨以否
全成答曰。全成先祖明佐時。全成雖愚。何失先
迹實。雖事成不欲相從。奈良麻呂云。見天下愁
而述所思耳。莫導他人。言畢辭去。厥後大掌之
歲奈良麻呂云。前歲所語之事。今時欲發如何。
全成答曰。朝廷賜全成高爵重祿。何敢違天發

惡逆事。是言前歲已忌。何更發耶。奈良麻呂云。
汝與吾同心之友也。由此談說願莫導他。又去
年四月全成資金入京。于時奈良麻呂語全成
曰。相見大伴古麻呂以否。全成答云。未得相見
是時。奈良麻呂云。願與汝欲相見。古麻呂共至
辨官曹司相見。語話良久。奈良麻呂云。聖體非
宜多住歲序。闕看消息。不過一日。今天下乱人
心無定。若有他氏立王者。吾族徒將滅亡。願卒

大伴佐伯宿祢立黃文而為君以先他氏為方
世基古麻呂曰右大臣大納言是兩箇人乘勢
握權汝雖立君人豈合從願勿言之全成曰此
事無道實雖事成豈得明名言畢歸去奈良麻
呂古麻呂便留彼曹不聞後語勘問畢而自經
○辛亥授從四位上山背王巨勢朝臣堺麻呂
並從三位從八位上上道臣斐太都從四位下
正七位下縣犬養宿祢佐美麻呂從八位上佐

味朝臣宮守並從五位下並是告密人也又上
道臣斐太都賜姓朝臣○甲寅授正六位上藤
原朝臣朝獵從五位下以從五位下忌部宿祢
鳥麻呂為信濃守從五位下藤原朝臣朝獵為
陸奥守勅曰比者頑奴潛圖反逆皇天不遠
羅令伏誅民間或有假說亡魂浮言紛紜擾亂
鄉邑者不論輕重皆與同罪普告遐迩宜絕
源又勅曰百姓之間若有逆人之輩京畿十

日內遠處三十日首訖若限內能首並寬其罪
限內不首被人告言必科本罪其首人等並首
本部官司官司知訖抄其姓名奏上○乙卯遣
中納言藤原朝臣永手左衛士督坂上忌寸大
養等就右大臣藤原朝臣豐成第宣勅曰汝
男乙繩關兇逆之事宜禁進者即加肱禁寄
勅使進以紫微少弼從三位巨勢朝臣堺麻呂
為兼左太弁從四位上紀朝臣飯麻呂為右太

弁春宮大夫從四位下佐伯宿祢毛人為兼右
京大夫從四位下上道朝臣斐太都為中衛少
將○戊午以從五位下小野朝臣田守為刑部
少輔正六位上藤原朝臣乙繩為日向負外祿
從五位下奈賀王為讚岐守勅曰右大臣豐
成者事君不忠為臣不義私附賊黨潛忌內相
知構大乱無敢奏上及事發覺亦不肯究若怠
延旨殆滅天宗嗚乎定輔之任豈合如此宜停

右大臣任左降太宰，負外帥。是日，禰南院追集諸司并京畿內百姓村長以上，而詔曰：明神大八洲所仰倭根子，天皇大命良麻宣大命乎親主王臣百官人等，天下公民衆聞宣高天原神積坐頂皇親神魯岐神魯弥命，乃定賜來流天日嗣高御座次乎加蘇毗奪將盜止為而惡逆在奴冬奈多夫礼麻度比奈良麻呂古麻呂等伴逆黨乎伊射奈比率而先內相家乎圍而

其殺而即大殿乎圍而皇太子乎退而次者皇太后朝乎傾鈴印擊乎取而召右大臣而天下亦号令使為年然後廢帝四王之中乎簡而為君年止謀而六月二十九日乃夜入太政官坊而飲鹽汁而誓礼天地四方而七月二日發兵年止謀定而二日未時小野東人喚中衛舍人備前國上道郡人上道朝臣斐太都而誂云久此事俱倍西伊射奈布尔依而俱倍西事者許而

其日該時具奏賜都由此勘問賜尔每事實止
申而皆罪尔伏奴是以勘決尔皆當死罪如此
雖在慈賜止為而一等輕賜而姓名易而遠流
罪尔治賜都此誠天地神乃慈賜比護賜比挂
畏關關已來御宇天皇大御靈乃多知穢奴等乎
伎良比賜尔賜尔依比又廬舍那如來觀世音
菩薩護法梵王帝四大天主乃不可思議威神
之力尔依比此逆在惡奴等者顯出而悉罪尔

誣古賣

伏奴良志所念行漢宣天皇大命乎衆聞食宣
事別宣久奈多夫礼尔良所誣誤百姓波京土
履牟事穢祿出羽國膝村乃柵户大移賜止久宣
天皇大命乎衆聞食宣○壬戌○勅曰凶逆之
徒潛謀不軌其言發覺流配邊軍但所友兵仗
藏隱民間未首官司原情可責職宜知委勅
出之後限十日內悉令首盡若限滿不首被人
言告一與逆人同科○庚午於宮中設齋講仁

王經焉。○癸酉。詔曰：鹽燒王者，唯預四王之列，然不會謀庭，亦不被告而緣道祖王者，應配遠流罪。然其父新田部親王，以清明心仕奉親王也，可絕其家門。上夜為母奈此般罪免給自今往前者以明直心仕奉朝廷。止詔○八月戊寅，勅故從五位下山田三井宿祢比賣嶋緣有阿姊之勞，哀賜宿祢之姓。恩波枉激餘及傍親而聽人悖語，不奏丹誠，同惡相招，故為蔽匿。今聞

此事，為堅寒毛凶，痛已深，理宜追責，可除御母之名，奪宿祢之姓，依舊從山田史。○庚辰。詔曰：今宜又奈良麻呂，我矢起，尔被崔。多利奈等遠流賜都。今遺奈等者，惡心無而清明心，持而仕奉。止宣又詔曰：此遍乃政明淨，久仕奉。礼留依而治賜人。母在又愛盛，一二二人等，尔冠位上，賜治賜。宣授從四位上，紀朝臣飯麻呂。藤原朝臣八束並正四位下，正五位上大

伴宿祢稻公從四位下正五位下藤原朝臣千
尋正五位上從五位下佐伯宿祢美濃麻呂從
五位上无位奈紀王正六位上巨曾倍朝臣難
波麻呂當麻真人淨成高橋朝臣人足阿倍朝
臣繼人采女朝臣淨庭小野朝臣石根石川朝
臣豐麻呂並從五位下以從三位石河朝臣年
足為中納言兵部卿神祇伯如故從三位巨勢
朝臣堺麻呂正四位下阿倍朝臣沙弥麻呂紀

朝臣飯麻呂並為參議勅中納言多治比真
人廣足年臨將耄力弱就列不教諸姪悉為賊
徒如此之人何居宰輔宜辭中納言以散位歸
第焉○巳丑駿河國益頭郡人金刺舍人麻自
獻蚕產成字○甲午勅曰朕以寡薄忝繼洪
基君臨八方于茲九載曾無善政日夜憂思危
若臨淵慎如履冰於是去三月二十日皇天賜
我以天下太平四字表區宇之安寧示歷數之

永固ヲ乃賊臣廢皇子道祖及安宿黃文橘奈
良麻呂大伴古麻呂大伴古慈悲多治比國人
鴨角足多治比犢養佐伯全成小野東人伴駿
河麻呂荅本忠節等稟性兇頑昏心轉虐不顧
君臣之道不畏幽顯之資潛結逆徒謀傾宗社
悉受天嘖咸伏罪愆是以二叔流言遂輟ヤ蕭端
四凶群類遠放邊裔京師肅々已無癡民朝堂
寥廓更有賢輔竊恐德非虞舜運屬時艱武備

殷湯任當撥亂晝思夜想廢寢與食登民仁壽
致化興平爰得駿河國益頭郡人金刺舍人麻
自獻蚕兒成字其文云五月八日開下帝釋標
知ラ天皇命百年因國內頂戴茲祥躍踊歡喜
不知進退悚息交懷即下群臣議便奏云維天
平勝寶九歲ホシ次丁酉ヤル夏五月八日者是陛下
奉為下太上天皇周忌設齋悔過之終日也於
是帝釋感ニ皇帝皇后之至誠開通門下カニ鑿勝

業標陛下之御宇授百年之遠期日月所臨咸
看聖胤繁息乾坤所載悉知寶祚延長仁化滂
流寓內安息茲風遠俗國家全平之驗也謹案
蚕之為物虎文而有時蛇馬吻而不相爭生長
室中衣被天下錦繡之麗於是出焉朝祭之服
於是生矣故令神虫作字用表神異而今蕃息
之間自呈靈字止戈之日已奏丹墀實是自天
祐之吉無不利五八雙數應寶壽之不惑日月

共明豫紫宮之永配朕祗兼嘉符還恐寡德豈
朕力之所致是賢佐之成功宜與王公共辱斯
貺但景命爰集隆慶伊始思俾惠澤被於天下
且改天平勝寶九歲八月十八日以為天平寶
字元年其依先勅天下諸國調庸每年免一
郡者且令所遺諸郡合年俱免其所掠取賊徒
資財宜與士庶共遍物分又准令雜徭六十日
者頃年之間國郡司等不存法意必滿役使平

民之苦略由於此。自今已後，皆可減半其負。公私物未備償者，是由家道貧實，非奸欺所為。古人有言：損有餘，補不足，天之道也。宜自天平勝寶八年已前舉物之利，悉應除免。又今年晚稻稍逢亢旱，宜免天下諸國田租之半。寺神之封不在此例。其獻瑞人白丁金刺舍人麻自宜叙從六位上，賜純二十疋。調布八十端。正統二十束執持參上驛使中衛舍人少初位上賀茂君

繼手應叙從八位下，賜純十疋。調綿二十疋。調布一十端。其不奏上國郡司等不在恩限。但當郡百姓賜復一年。○己亥。勅曰：安上治民莫善於禮，移風易俗莫善於樂。禮所興，惟在二寮門徒所苦，但衣與食亦是天文陰陽曆筭醫針筭學國家所要，並置公廨之田，應用諸生供給。其大學寮三十町，雅樂寮十町，陰陽寮十町。○辛丑。勅曰：治國大綱在文與武，廢一不可言。

著前經向來旌

勅為勸文才隨職閑要置公

田但至備武未有廵分今故六衛置職騎田每

年季冬宜試優劣以給越群令興武藝其中衛

府三十町衛門府左右衛士府左右兵衛府各

十町○閏八月癸丑以從四位上上道朝臣斐

太都為吉備國造○壬戌紫微內相藤原朝臣

仲麻呂等言臣聞旌功不朽有國之通規思孝

無窮兼家之大業緬尋古記淡海大津宮御宇

皇帝天縱聖君聰明睿主考正制度創立章程

于時功由一百町賜巨曾祖藤原內大臣哀勵

壹匡宇內之績世々不絕傳至于今カキニシカス來臣等

因籍祖勲冠蓋連門公卿亦世方恐富貴難久

榮華易凋是以安不忘危夕惕如厲忽有不慮

之間兇徒作逆殆傾皇室將滅臣宗未報先恩

芝蘭幾敗異修冥福長保顯榮今有山階寺維

摩會者是內大臣之所起也願主乘化三十年

間無人紹興此會中廢乃至藤原朝廷胤子太
政大臣傷構堂將墜歎為山之未成更發弘誓
追繼先行則以每年冬十月十日始闢勝筵至
於內大臣忌辰終為講了此是奉翼皇宗住持
佛法引導尊靈催勸學徒者也伏願以此功由
永施其寺助維摩會彌令興隆遂使內大臣之
洪業興天地而長傳皇太后之英聲俱日月而
遠照天恩曲垂儻元臣見請下主者早令施行

不任徵願聖聽戰々兢々臨深履薄勅報曰
備省來表報德惟深勸學津梁崇法師範朕與
卿等共植茲因宜告所司令施行○癸亥夫人
正二位橘朝臣古那可智无位橘朝臣宮子橘
朝臣麻都賀又正六位上橘朝臣綿裳橘朝臣
真姪改本姓賜廣母朝臣從五位下出雲王篠
原王尾張王无位奄智王猪各部王賜姓豐野
真人○丙寅勅曰如聞護持佛法無尚木

勸導尸羅實在施禮。是以官太寺別永置惑本
師田十町。自今已後每為布薩恒以此物置用
布施庶使怠慢之徒日厲其志精勤之士弥進
其行。宜告僧綱知朕意焉。○壬申。勅曰太宰
府防人頃年差坂東諸國兵士發遣由是路次
之國皆苦供給防人產業亦難辦濟自今已後
宜差西海道七國兵士合一千人充防人司依
式鎮戍集府之日便習五教事具別式。○九月

辛巳授正六位上後部高笠麻呂外從五位下
○癸卯授外從五位下六人部冬須利外從五
位上。○冬十月庚戌。勅曰如聞諸國庸調脚
夫事畢歸鄉路遠糧絕又行旅病人無親恤養
欲免飢死餽口假生並辛苦途中遂致橫斃朕
念乎此深增憫矜宜仰京國官司置給糧醫藥
勤加檢校令達本鄉若有官人怠緩不行者科
違。勅罪。○乙卯太政官處分比年諸國司等

交替之日各貪公廩競起爭論自失上下之序
既虧清廉之風於理商量不合如此今故立式
凡國司廩分公廩式者惣計當年所出公廩先
填官物之欠員未納次割國內之儲物後以見
殘作差處分其法者長官六分次官四分判官
三分主典二分史生一分其博士醫師准史生
例負外官者各准當色○丁卯始制諸國論
定數隨國大少各有差事具別式○十一月癸

未勅曰如聞頃年諸國博士醫師多非其才
託請得選非唯損政亦无益民自今已後不得
更然其須講經生者三經傳生者三史醫生者
大素甲乙脉經本草針生者素問針經明堂脉
决天文生者天官書漢晋天文志三色薄讚韓
揚要集陰陽生者周易新撰陰陽書黃帝金匱
五行太義曆竿生者漢晋律曆議九章六章周
髀定天論並應任用被任之後所給公廩一年

續日本紀卷二十一
〇三十二
之分必應令送本爰業師如此則有尊師之道
終行教資之業永繼國家良政莫要於茲宜告
所司早令施行。〇壬寅 勅以備前國墾田一
百町永施東大寺唐禪院十方衆僧供養料伏
願 先帝陛下董此芳因恒蔭禪林之定影翼
茲妙福速乘智海之慧舟終生蓮華之寶刹自
契等覺之真如 皇帝皇太后如日月之照臨
並治萬國若天地之覆載長育兆民遂使為出

世之良因成菩提之妙果。〇十二月辛亥 勅
普為救養疾病及貧乏之徒以越前國墾田一
百町永施山階寺施藥院伏願因此善業朕與
衆生三檀福田窮於來際十身藥樹蔭於塵區
永滅病苦之憂共保延壽之樂遂契真妙之深
理自證圓滿之妙身。〇壬子太政官奏曰旌功
錫命聖典攸重哀善行封明王所務我天下也
乙巳以來人々立功各得封賞但大上中下雖

載令條功由評丈或落其品今故比校昔令議
 定其品大織藤原内大臣乙巳年功由一百町
 大功世々不絶贈小紫村國連小依壬申年功
 田十一町贈正四位上イニキ文忌寸イニキ祢麻呂贈直大
 壹九部臣君手並同年功由各八町贈直大壹
 文忌寸智德同年功由四町贈小錦上置始連
 菟同年功由五町五人並中功合傳二世正四
 位下下毛野朝臣麻呂贈正五位上調忌寸老

人從五位上伊吉連博德從五位下伊余部連
 馬養並大寶二年修律令功由各十町四人並
 下功合傳其子以上十一條贈大錦上佐伯連古
 麻呂乙巳年功由三十町六段被他駈卒効力
 誅姦功有所推不能稱大依令上功合傳三世
 從五位上尾治宿祢大隅壬申年功由三十町
 淡海朝廷諒陰之際義興驚蹕潛出關東于時
 大隅參迎奉導掃清私第遂作行宮供助軍資

其功實重准天不及比中有餘依令上功合傳
三世贈大雲星川臣麻呂壬申年功由四町贈
大錦下坂上直熊毛同年功由六町贈正四位
下黃文連大伴同年功由八町贈小錦下文直
成覺同年功由四町四人並歷涉戎場輸忠供
事立功雖異勞効是同比校一同村國連小依
等依令中功合傳二世大錦下笠臣志大留告
吉野大兄密功由二十町所告微言尋非露驗

雖云大事理合輕重依令中功合傳二世從四位
位下上道朝臣斐太都天平寶字元年功由二
十町知人欲反告令芟除論實雖重本非專制
依令上功合傳三世小錦下坂合部宿祢石敷
功由六町奉使唐國漂著賊洲橫斃可殺稱功
未愜依令下功合傳其子正五位上大和宿祢
長岡從五位下陽胡史真身並養老二年修律
令功由各四町外從五位下矢集宿祢更麻呂

外從五位下鹽屋連吉麻呂並同年功由各五
町正六位上百濟人成同年功由四町五人並
執持刀筆刪定科條成功雖多事匪匡難比校
下同下毛野朝臣古麻呂等依令下功令傳其
子以上一十四條當今所定

二年春正月戊寅詔曰朕以庸虛忝秉大位
垂臨區宇子育黎元思與賢良共清風化長固
寶曆久安兆民豈意浪戾近臣潛懷不軌同惡

相濟終起亂階賴宗社威靈遽從殲殪既是逆
人親黨私懷並不自安雖犯深愆尚加微貶使
其坦然無懼息其反側之心如聞百僚在位仍
有憂惶且悉朕懷不勞疑慮昔者張敞負盟更
致朱軒安國免從重紆青組咸能洗心勵節輸
款盡忠事美一時譽流千載今之志士豈謝前
賢改滌過咎勉己自新方冀瑕不掩德要待良
治用靡弃材以成大廈凡百列位宜鏡斯言夙

夜無怠務脩シテ不職カ又詔曰朕聞則天施化聖
主遺章順月宣風先主嘉令故能二儀無愆四
時和協休氣布於卒土仁壽致於群生今者三
陽既建万物初萌和景惟新人宜納慶是以引
使八道巡問民苦務恤貧病矜救飢寒所冀撫
字之道將神合仁亭育之慈與天通事疾疫咸
却年穀必成家無寒窶之憂國有來蘇之樂所
司宜知差清平使勉加賑恤稱朕意焉以從五

位下石川朝臣豐成為京畿內使錄事一人正
六位下藤原朝臣淨弁為東海東山道使判官
一人錄二人正六位上紀朝臣廣純為北陸道
使正六位上大伴宿禰潔足為山陰道使正六
位上藤原朝臣倉下麻呂為山陽道使從六位
下阿倍朝臣廣人為南海道使正六位上藤原
朝臣楓麻呂為西海道使道別錄事一人○二
月辛亥左大舍人廣野王賜池上真人姓○壬

成詔曰隨時立制有國通規議代行權昔王
彛訓頃者民間宴集動有違慝或同惡相聚濫
非聖化或醉亂無節便致鬪爭據理論之甚乖
道理自今已後王公已下除供祭療患以外不
得飲酒其朋友寮屬內外親情至於服景應相
追訪者先申官司然後聽集如有犯者五位已
上停一年封祿六位已下解見任已外決杖八
十十冀將淳風俗能成人善習禮於未識防亂於

未然也○已已勅曰得大和國守從四位下
大伴宿祢稻公等奏備部下城下郡大和神山
生竒藤其根虫彫成文十六字王大則并天下
人此內任太平臣守昊命即下博士議之咸云
臣守天下王大則并內任此人昊命太平此知
群臣盡忠共守天下王大覆載無不兼并聖上
舉賢內任此人昊天報德命其太平者也加以
地即大和神山藤此當今宰輔事已有效更亦

何疑朕恭受天貺還恐不德吁哉卿士戒之慎
之敬順神教各修介職勤存撫育共致良治其
大和國者宜免今年調當郡司者加位一級貢
瑞人者特叙從六位下賜純二十疋綿四十屯
布六十端正統二十束○三月辛巳詔曰朕
聞孝子思親終身罔極言編竹帛千古不刊去
天平勝寶八歲五月先帝登遐朕自遭凶憫
雖情感傷為禮所防俯從吉事但每臨端五風

樹驚心設席行觴所不忍為也自今已後卒土
公私一准重陽永傳此節○壬午伊豫國神野
郡人少初位上賀茂直馬主等賜賀茂伊豫朝
臣姓○丁亥船名播磨速鳥並叙從五位下其
冠者各以錦造入唐使所垂者也○乙卯從五
位上藤原朝臣魚名為備中守○庚申初尾張
連馬身以壬申年功先朝叙小錦下未被賜姓
其身早亡於是馬身子孫並賜宿祢姓○辛酉

續日本紀卷二十
三十九
中務卿正四位下阿保朝臣佐美麻呂卒○已
已內藥司佐兼出雲國負外掾正六位上難波
藥師奈良等十一人言奈良等遠祖德來本
高麗人歸百濟國昔泊瀨朝倉朝廷詔百濟
國訪求才人爰以德來貢進聖朝德來五世孫
惠日小治田朝廷御世被遣大唐學得醫術
因号藥師遂以為姓今愚闇子孫不論男女共
蒙藥師之姓竊恐名實錯乱伏願改藥師字蒙

難波連許之○夏五月丙戌太宰府言兼前公
廨稻合一百萬束然中間官人任意費用今但
遺二十餘萬束官人數多所給甚少離家既遠
生活尚難於是以前遺公廨悉令正稅更割諸
國正稅國別編置不失其本每年出舉以所得
利依式班給其諸國地子稻者一依先符任為
公廨以充府中雜事○乙未正六位上大和宿
祢弟守授從五位下○六月甲辰太宰陰陽師

從六位下余益人造法華寺判官從六位下余
東入等四人賜百濟朝臣姓越後目正七位上
高麗使生馬養內侍典侍從五位下高麗使生
淨日等五人多可連散位大屬正六位上狛廣
足散位正八位下狛淨成等四人長背連○辛
亥陸奧國言去年八月以來歸降夷俘男女惣
一千六百九十餘人或去離本土歸慕皇化或
身涉戰場與賊結怨惣是新來良未安堵亦夷

性狼心猶豫多疑望請准天平十年閏七月十
四日勅量給種子令得佃田永為王民以充
邊軍許之○丙辰以從四位上佐伯宿祢毛人
為常陸守參議從三位文室真人智努為出雲
守從五位上大伴宿祢家持為因幡守○乙丑
大和國葛上郡人從八位上桑原史年足等男
女九十六人近江國神埼郡人正八位下桑原
史人勝等男女一千一百五十五人同言曰伏

奉去天平勝寶九歲五月二十六日勅書備
內大臣太政大臣之名不得稱者今年足人勝
等先祖後漢苗襲鄧言興并帝利等於難波高
津宮御宇 天皇之世轉自高麗歸化聖境本
是同祖今分數姓望請依勅一改史字因蒙
同姓於是桑原史大友桑原史大友史大友部
史桑原史戶史戶六氏同賜桑原直姓船史船
直姓○癸七月癸酉 勅東海東山道問民苦

使正六位上藤原朝臣淨弁等奏備兩道百姓
盡頭言曰依去天平勝寶九歲四月四日恩
詔中男正丁並加一歲老丁耆老俱脫恩私望
請一准中男正丁欲霑非常洪澤者所請當理
仍須憫矜宜告天下諸國自今以後以六十為
老丁以六十五為耆老○甲戌六勅比來皇太
后寢膳不安稍經旬日朕思延年濟疾莫若仁
慈宜令天下諸國始自今日迄今年十二月三

十日禁斷殺生又以猪鹿之類永不得進御又
勅緣有所思免官奴婢并紫微中臺奴婢皆悉
從良從七位上葛井連惠文正六位上味淳龍
丘難波連奈良並授外從五位下○丙子正六
位上阿倍朝臣乙加志授從五位下正六位上
額田部宿祢三富戶憶志根連蘇鞆生江臣智
麻呂調連牛養山田史銀並外從五位下三富
本姓額田部川田連也是日以額田部宿祢姓
便書位記賜之○戊戌勅為令朝廷安寧天
下太平國別奉寫金剛般若經三十卷安置國
分僧寺二十卷斥寺十卷恒副金光明寂勝王
經並令轉讀

續日本紀卷第二十

